

Staðfesting konungs á skipulagsskrá fyrir Minningarsjóð hjónanna Einars Jónssonar og Úlfhildar Guðmundsdóttur frá Flekkudal í Kjós, útgefin á venjulegan hátt, að mandatum af dómsmálaráðherra 15. nóvember 1932. Skipulagsskráin er þannig: **110**
15. nóv.

SKIPULAGSSKRÁ

fyrir

**Minningarsjóð hjónanna Einars Jónssonar og Úlfhildar Guðmundsdóttur
frá Flekkudal í Kjós.**

1. gr.

Sjóður þessi er stofnaður af Einari skipstjóra Einarssyni frá Flekkudal, til minningar um foreldra hans, og er ætlaður til styrktar þurfandi gamlmennum.

2. gr.

Höfuðstóll sjóðsins er 25 — tuttugu og fimm þúsund — krónur, og er í Söfnunarsjóði Íslands, þar sem sjóðurinn skal standa og ávaxtast samkvæmt eftirfylgjandi ákvæðum.

3. gr.

Sjóðurinn skal standa óhreifður í 10 — tíu — ár og allir vextir leggjast við höfuðstól þann tíma, eða til ársloka 1942. En eftir þann tíma má verja hálfum ársvöxtum árlega til styrktar þurfandi gamlmennum, sem náð hafa sextugsaldri, en forgöngurétt til styrks hafa afkomendur hjónanna Einars Jónssonar og Úlfhildar Guðmundsdóttur frá Flekkudal og næst þeim gamlmenni, sem heimili eiga í Kjósarhreppi.

4. gr.

Þegar sjóðurinn er orðinn 100 — eitt hundrað — þúsund krónur má verja þrem fjórðu hlutum ársvaxta til styrktar gamlmennum eins og segir í 3. gr.

5. gr.

Þegar sjóðurinn er orðinn 200.000 kr. — tvö hundruð þúsund krónur — má verja sjö áttundu hlutum vaxta eins og áður segir en einn áttundi þeirra leggist æfinlega við höfuðstól.

6. gr.

Í stjórn sjóðsins skulu vera þrír menn, sem úthluta styrk úr honum samkvæmt áður sögðu og halda reikning hans, og skulu þeir vera þessir: 1. Biskup-

- 110** inn yfir Íslandi, eða yfirmaður hinnar evangelísku lútersku kirkju á Íslandi ef
 15. nóv. aðskilnaður verður milli ríkis og kirkju eða biskupsembætti lagt niður. 2. Þjóð-
 skjalavörður Íslands og 3. elzti afkomandi hjónanna Einars Jónssonar og Úlf-
 hildar Guðmundsdóttur frá Flekkudal, sem skipaður er í fast embætti á landi
 hér, en fari einhverntíma svo, að enginn fastur embættismaður af ætt þeirri sé
 skipaður í embætti hér, þá komi forstjóri Söfnunarsjóðs Íslands í hans stað.

7. gr.

Leita skal staðfestingar konungs á skipulagsskrá þessari.

Gert samkvæmt beiðni Einars skipstjóra Einarssonar fyrir andlát hans
 og með samþykki erfingja hans.

Mosfelli, 15. október 1932.

Guðm. Einarsson, prestur.

- 111** Staðfesting konungs á skipulagsskrá fyrir „Kirkjusjóð Borgarness“ út-
 8. des. gefin á venjulegan hátt, að mandatum af dómsmálaráðherra 8. desember 1932.
 Skipulagsskráin er þannig.

SKIPULAGSSKRÁ

fyrir

Kirkjusjóð Borgarness.

1. gr.

Sjóðurinn heitir Kirkjusjóður Borgarness. Er hann myndaður fyrir for-
 göngu Þorbergs Þorbergssonar trésmiðs í Borgarnesi, er gekkst fyrir því ásamt
 ýmsum þorpshúum, að safna fé til hans með frjálsum framlögum, hlutaveltum,
 áheimtum, minningargjöfum o. fl., og skal stjórn sjóðsins afla honum tekna fram-
 vegis á sama hátt eftir því sem þörf krefur og ástæður leyfa. Sjóðurinn er nú
 að upphæð kr. 4881.55 — fjögur þúsund átt hundruð áttatíu og ein 55/100 —
 krónur.

2. gr.

Sjóðnum má einungis verja til kirkjubyggingar í Borgarnesi, og skal hann
 því ávallt vera til taks í handbærri sparisjóðsinnstæðu hvenær sem kirkjan þarf
 hans við, þó má ekki skerða sjóðinn svo, að ekki séu eftir af honum 100 — eitt
 hundruð — krónur, og skulu þær ávaxtast, ásamt þeim tekjum, sem sjóðnum
 kann að berast til viðbótar þeim, unz endurbyggja þarf kirkjuna; skal sjóðnum